

ILLUSTRISSIMO, ac EXCELLENTISSIMO
V I R O
M A R C H I O N I
JOHANNI FOLIANO,
ARAGONIO
POTENTISSIMI REGIS
C A R O L I
BORBONII.

A POTIORIBUS, ac SANCTIORIBUS
S E C R E T I S &c.

FRANCISCUS MARIA CÆSAR

F.



Norma, decor, virtus, FOLIANE, & gloria seclī
Nosse cupis, mandasque potens, avidusque
moraris,

Ut fēta edoceam, sed culto carmine : sicut
Materies excelsa, ingens nunc exigit esse.

A

O

O utinam, o possim! verum sperare facultas
Nulla mihi, veluti vellem, depingere metris
Pro parte exigua; quæ pompa, & luxus, & ordo,
Dextera sedulitas quem pridem, & sedula Maji
Dexteritas struxit: qua causa, & nomine porro
Est tibi compertum: causa est, Fernandus in auras
Editus Austriacus, Siculi pro nomine Regis:
Quod fuit abstersus lymphis lustralibus Ille:
Quodque pii Patris sacratum Hic munus obivit.
Tale fuit porro festum, libare quod æque
Si strictim numeris possem, tunc protinus omnes,
Suspexit quos prisca, colet ventura vel ætas,
Assurgent mihi; deque loco decedere vates
Sponte sua cuperent, gratum pæana canentes.
Obsequar: obsequium, pleno quod jure mereris,
Det, quæso, veniam longe inferiora ferenti;
Et frustra adnixo nunc laudem intexere: pompæ
Detrahitur prout laude, mihi sic dicere culpa est:
Major at imperio minime parere jubentis.
Tectum excelsum, immane, ingens assurgit ab urbe
Vindobonæ ternis stadiis: ubi dicitur auctor,
Cre-

Crediderim dignis dixisse palatia verbis.
Hæc Liechtensteinus Princeps nam condidit: ille,
Qui studet excellis, semperque excelsa peregit.
Ducit ad has ædes campus declivis, & exit
Scotensi a porta, fedes & vergit in altas.
In medio illius, quam lata & semita longa est,
Glaræ sternit iter validis æquata cylindris.
Callis utrumque latus naphthæ, malthæque voraci
Lampades instructæ reddunt fulgore coruscum:
Splendidus hic callis qua denique desinit, illic
Orchestra geminæ surgunt; discordia cantus
Prodit ab his concors, alternoque ordine reddit
Belligeras voces: feriunt clangoribus auras
Tympana quandoquidem, cornu, lituique tubæque.
Huc ubi deventum est, magnus fuit obuius arcus
Pluribus extructus signis, nitidisque trophæis;
Isque viatorem deducit in atria tecti.
Innectit tamen ille moras, atque otia ducit:
Ac nisi spes subeat longe meliora videndi,
Hic maneat; binas facies vestiget ut arcus.
Interior quarum varias hinc, inde figuras

Exhibet: est harum vero pellucida vestis:
(Virtutes vulgus trito quas nomine dicit)
Cum fortes referant animos, moresque probandos.
Exterior porro est geminos depicta Gigantes
Arte laboratos, animat quos lumen & umbra.
Hæc moles immensa, ingens infraque, supraque,
A fronte, a tergo spissis distincta renidet
Luminibus: certo digesta sed ordine fulgent
Lumina: non raptim, verum partita gradatim
Antibus, & fulcis æquis: Mavortius isthic
Et reboat clangor, festivi & classica belli.
Hic simul ac hospes signis, & lumine spisso
Pascere vult oculos, clangoremque auribus haurit,
Tum fixas acies murus, tectique fenestræ
Ad sese abstractas revocant: ellychnia quippe
Scintillant hic plura: suum queis sedula succum
Præstat apis, mater pinguis seu Pallas olivi:
Qua sese effundunt, pariter sic atria fulgent.
Certa fides, inibi visus prope Vesuvius alter,
Non flammæ, cineresque vomens, nec noxius ulli,
Gaudia at ingenerans tantum, non sensa timoris.
Nescius

Nescius est hospes, quo primum vertat, & unde
Avertat fixos oculos: irascitur ipsi
Sponte sibi, quoniam non perlegat omnia visu
Perpetuo: vellet tunc esse oculatio Argo,
Ut cuncta aspiciat, non ulla aspecta relinquat
Lumina, continuo quæ reddunt atria tractu.
Binus ab his aditus vastum deducit ad hortum,
Cui species silvestris inest, sed amœnior illa,
Quo magis agrestis: nam passim plurima buxus
In cuneum exurgit, ramisque sequacibus altas
Pyramides fingit; si vero ætate rebellis
Longius excurrit ramis; quia tonsilis illa est,
Luxuriem forceps perimit: topiaria forma
Huic donec redeat, rectaque evadat amussi.
Pyramides juxta canentia signa videntur,
Mortales varios, varios referentia gestus.
Quatuor areolis hortus distinguitur; hujus
In medio perstat magnus diductus in orbem
Nilus, & euripus; fons exilit unde perennis:
Omniaque hæc reddit radios æquantia Solis
Copia multa facum; qua desinit area tota,

Magnus adest xyſtus, ſpecularia magna, domusquæ
E regione ſedent, paribusque ardentia flammis,
Alteraque alterius ſumpto fulgore coruſcat.
Tam diuturna fuit, vis tanta & lucis; ut iſſis
Invidiæ fuerit ſtellis, quæ nubis amictu
Se tegere optarunt fruſtra; noxque invida fratres
Æolios fruſtra petiit concurrere ſecum,
Ut flammam interimant; medio quando æmula Soli
Viſa ſibi ſplendere, dieque æqualis adultæ.
Crevit in immenſum dolor iſte in pectore noctis:
Poſt ubi non tantum diſcuſſas inde tenebras
Accepit madidis oculis, quod copia roris
Arguit, & frutices, canas veſtivit & herbas
Undique vernantes, mæſta ſed & ebibit aure
Non procul inſolitis iſtas concentibus auras:
Quales feſta dies, & Bacchanalia reddunt:
Ac nihil eſt propius factum, quam condat ut antris
Cimmeriis bigas, ſemetque obtruderet illuc.
Invidia ſtellæ, conflagravique doloris
Æmula nox flamma; feſtivo gaudia corde
Contra ea concepit populus ſpatiatuſ in horto;

Matro-

Matronæque, Equitesque simul plaufere recepti
Ædis ab adverfæ nitidis, multisque fenestris.
Tempus ad hoc hortus quidquid, via bina, forumque
Edidit, ostendi tantum pro parte virili,
Pro merito nunquam: vellem nunc jure filere
Obrutus a pompis, & luxu haud unius aulæ:
Imperio, Vir clare, tuo nifi scribere cogar.
Ecquis enim fperet complecti carmine poffe
Interius quidquid nituit? pulcherrima quando
Exterior facies eft tantum digna ftupore,
At vires humerosque fuper; quis nempe columnas
Aufus erit libare metris, hinc inde quaterno
Ordine digeftas? Pario de marmore fcilæ
Ex illis geminæ furgunt, hisque itur ad aulam
Magnificam, immenfam: viginti huic fulcra columnæ
Suppeditant: ejus pictus tholus arte magiftra
Emicat: auctori Pozzo nam cedat Apelles.
Omnibus e fulcris myxi terno ordine pendent
Cryftallo ex nitida, ceraque ardente corufcant.
Deque lacunari pariter funalia vafte
Multa cadunt hyalo, puraque nitentia cera:

Quæ

Quæ lucem a nitidis sumunt, regeruntque columnis.
Hos lucis radios passim dispersa per aulam
Accipiunt specula, & majori sænore reddunt.
Quot fuerunt illic equites, Nymphæque putabant
Igniferos axes inter Phaetontis adesse:
Estque exempta fides, quoniam non curreret aula.
Quam late paries sese producit, ibidem
Sigmata, & extabant variis triclinia formis,
Sericaque internunt has omnes stragula fedes;
A choreis demum pubes ubi fessa recumbat.
Ex portæ regione parum confurgit in altum,
Et reliquas inter sedes Orchestra superbit.
Artificum numerosa manus se contulit illuc:
Docti omnes citharâ, lituo fidibusque chelyque,
Verrentesque omnes tragico cum fymate pegma.
His ita compositis, cum primum vergere noctem
In creperam dispulsa dies, & spargere primum
Nox alibi cœpit solitas invita tenebras:
Ecce tibi variis mulcent concentibus auras
Cornuaque cytharæque tubæque fidesque chelysque:
Irritantque pedes dudum gestire dolentes

Ad

Ad choreas: surgunt varia tum parte puellæ,
Et proceres, junguntque manus, & cætera scito
Ingenio præstant: nostris quæ dicere metris
Non erit ex facili; cursus, secumque recursus
Implicitus numeris nostris longe ocyor ibat:
Spesque mihi non ulla sequi cum carmine gyros
In numerum ductos, agilesque manusque pedesque;
Quos rear ambiguos oculos fugisse tuentum.
Parte alia plures abaci pluteique manebant
Attalico ritu, tessellatique politis
Segminibus sylvæ, quam protulit Indica tellus.
Hic ludi genus omne fuit: sive alea cordi est,
Seu juvet ambigui sortem tentare fritilli;
Dextera cum trepidans numeros emittit eburnos:
Et Venus aut felix, aut læva canicula paret.
Seu Palamediaci potius placuere latrones:
Quum cura intensa semper, studioque cavendum;
Ne reliquum intereat vulgus, vel cedat inultum;
Rex simul ac vigili est deductus ad incita fraude.
Alea dum vero fervet, festæque choreæ,
Inter id algentes alicæ, munusque volabat

B

Messis

Messis aromaticæ, tum blandimenta ciborum:
Queis pretium addiderant anaclypta argentea, five
Aurea sublatis, mirisque insculpta figuris.
His inerant pateræ, totus queis cedit Iapon,
Et Seres; finxitque industria Saxonis illas.
Cum satis inde datum est ludo, parfumque choreis:
Quæ prorsum insignes, admirandæque fuere;
Non tantum ob cursus agiles, gyrosque volantes:
Queis usu Aufriadum pubes exercita longo
Eminet excellens, & palmam rite meretur:
Ast etiam exuvias propter sub imagine larvæ,
Copia queis ingens auri, gemmæque micabant.
Itur, ut ad mensam possent accumbere: mensæ
Multiplices fuerant; Equites, claræque puellæ
Has adeunt; supra quingenta sedilia porro
Apposita ad mensas, queis sericus esset amictus.
Hic vero incessat mentem si læva cupido,
Dicere ut aggrediar, fuerit quot cœna referta
Omnigenisque cibus scitamentisque ciborum;
Non annus referet, quæ simplex abstulit hora.
In mensis Neptunus erat quippe integer, annus
Integer;

Integer; & fluvii, tellus quibus Austria multis
Dives & irrigua est: fudit Neptunus eodem
Undivagas gentes primi, lectique saporis.
Se scopuli Adriaci viduos flevre videndo
Ostrea de cunctis saxi potiora revelli.
Nec solus Neptunus erat: Pomona, Ceresque,
Et Bacchus, Chloris, Fauni, Panesque fuere
Sed quoque, divitiasque suas fudere libentes:
Copia nec tantum missa est, delectus at æque.
Appositum est fartum syncerastumque; quod unum
Symposium haud unum poterat componere; Panes,
Et Fauni cicures illi, pariterque ferinas
Sufficiunt, glires, glandes, & amica tomacula.
Dat Chloris genus omne olerum; boletus ibidem,
Asparagi & solidi, tempestatique rebelles;
Et quibus injecta dant fulmina bruta favilla
Semina tuberibus; talem si Roma parasset,
Jam plusquam Salialis erat, vel coena Dialis.
Excipit has gustus, quem mille intinctibus ossa,
Atque embammatibus totidem condita ministrat.
Præteream plerasque dapes, quas dicere longum est.

Præteream nullus te vero, exotica perdrix,
Cui rostrum, roseique pedes; nec Phasidis amnis
Destituam indictas volucres, leporesque lepore
Infertos Trojano, avibus variisque tumentes.
Ac jam dia Ceres sese infert prodiga mensæ:
Cui similæ flores ex palma utraque cremorque
Effluit exundans: tractæ nascantur ut inde,
Cui nota nobilior, tractaque exinde redacta
In varias facies teretis sub verbere silvæ
Artocreas, laganumque, & crustum, copta, minuta.
Buccæ, & a scito ductæ pistore placentæ
Eveniant; gratæ sedeant & sarcina mensæ.
Jam quoque progreditur vectus Silenus a fello,
Bacchus & insequitur, qui cuncta insignia vina
Intulit, & plenis pateris effundit ab orca,
Electoque mero spumantia cymbia reddit.
Austria quot nitidos, quot Pannonis ora liquores,
Gallia, & Ausoniæ vineta rubentia terræ:
Præcipue quos Ætna coquit, cinerisque Vesuvus
Injecto cumulo misere huic nectara mensæ.
Nec vero Ægeum parsit mare promere dona:

Quæ

Quæ Samos, & Cyprus, fœcundaque vinea Cretæ
 Gignit: ab Hispanis selecta & copia terris
 Venit: & extremis pariter de partibus orbis,
 (Quæ bona spes dictæ) trajecerat Africa vinum.
 Quid moror imprudens vos vero, epidipnides, ultra?
 Non modo quæ stomachum, verum pavistis & æque
 Lumina spectantum? quorum plusquam unus, & alter
 Abstinit morfu, specie ne fraudet ocellos:
 Hic omnis conditus, erant & ificia, liba,
 Matteaque, & variis extructa cupedia formis.
 Floribus ornavit nitidis hæc omnia Chloris,
 Implevitque suas tam cauta, & sedula partes;
 Ut pene excierit pugnam visum inter, & ora:
 Exedere hæc siquidem malunt, spectare sed ille:
 Hæc autem, quotquot fuerunt bellaria, clausit
 Coctilis & testa, & dives chrysendeton auro:
 Murrina queis ultro, & crySTALLINA pocula cedant.
 Arte laboravit mira gens Saxonis illa,
 Et tota incubuit, fortis ne vasa secundæ
 Ad pompam egregiam fuerint, sed fulgida certent
 Cum reliquo luxu; plusquam mora longa futura est,

Cura recensendi fubeat si singula cantu.
Præcipue in reliquis noster Vesuvius illinc
Tollebat sublime caput, flammisque vomebat,
Et cinerem, & picei revoluta volumina fumi.
Hæc adeo ad vivum sed vero expressa fuere :
Hospes ut haud unus trepidus concesserit inde
Exuviis veritus flammæ, oculisque calorem ;
Hinc nemo extabat contra, cui brachia, nudos
Et ramos, frondesque nivis vis plurima textit
Velleribus densis; & sicut Vesuvius æstum;
Sic etiam frigus nix ingenerare putatur.
Denique magnificam referentia cætera pompam;
Ut non longa tibi pariam fastidia; sponte
Missa velim; ex aliis etenim deducta patebunt :
Et bene tu prudens metiris ab ungue leonem.
At non missa velim, latebra quin cordis ab ima
Austriacæ gentis Patri, Matrique, suisque
Pignoribus, quorum floret numerosa Juventus,
Tot bona, quot nitidis ardentia lumina flammis
Explicuit nox illa : rogem, precer, augurer, optem
Irriguo de rore Poli, deque ubere terræ.

Quæ

Quæ genti Augustæ, simul & precer, augurer, opte m
Hæc eadem Siculo Regi Sponsæque, suæque
Egregiæ Soboli. Sospes Domus utraque vivat,
Vivat, & æternum vigeat, quo foedere juncta est.
Altera in auxilium alterius confurgat, opemque :
Infestosque petant armis communibus hostes.
Cum porro matura thoro gens utraque fiet,
Felices ineant thalamos, festosque hymenæos;
Natorum & videant natos, ferosque Nepotes.
Nec fane tu missus eris, FOLIANE, bonorum
In partem at venias : puri candoris imago
Id tua promeruit, legum prudentia, recti,
Justitiæque tenax animus, pietasque fidesque.
Pectoris ingrati dicar reus, immemor ipse
Si Maji fuerim; & populi nisi nomine grates
Austriaci solvam; quos edita pompa beatos
Reddidit; huic igitur pariter bona plurima toto
Auguror ex animo; siquidem non sedulus idem est,
Sedulitas ast ipsa: probus, comisque, sagaxque :
Quique semel convenit, amet, veneretur: oportet.
Est speculum cordis facies; qui cernet eandem,
Ex-

Exscriptas cordis dotes quoque conspicit altas :
Quæ merito obsequii multum, cultusque merentur,
Evinctasque tenent felici compede mentes.
Quod simul experta, & Thracum gens barbara fassa est;
Is Constantini cum versaretur in urbe,
A Rege est Siculo dum delegatus eodem.
Jam satis est : scripsi : doleo scripissè minora
Pro pompa, meritisque tuis, FOLIANE, verendis.



V I E N N Æ *Austriæ*,
Typis GHELENIANIS, Anno MDCCLIV.

V. 12
1541687